

01 公園

游勝榮

這站仔，阮兜附近的榮星公園實在是有夠鬧熱的啦！因為舊矸仔貯新酒、舊店仔賣新貨！市政府佇舊年尾，共要甲強強欲臭培去的兒童遊樂區，攏重整理過，真緊就隨閣開放予逐家迺迺矣！

新的設施，毋但有規大片的塑膠地毯、一大窟的幼沙仔，閣有增加誠濟好耍的物件，親像講上蓋新型的趨流籠、空中行吊索、吊雙環啦……，有幾若項，攏是囡仔人上俗意要的。

這層予人歡喜的代誌，電視新聞嘛有報過幾若擺。來遮要過的人閣常在佇網路頂懸食好鬥相報，所以講，無論是遠路抑近路、大漢抑細漢，誠濟人攏會曉欲恁囡仔來遮迺迺，逐个攏嘛耍甲歡頭喜面笑哈哈。

若是拄著歇暎日仔，彼誠實會驚倒人，會使講是人山人海、洵疏疏，有當時仔連欲倚都強欲揣無位。有一半个仔閣較古錐，規氣共『thian-tooh』順紲紮來，中晝閣叫人共便當送到位。就按呢，大細漢囡仔食晝、暎晝攏佇遮做一擺解決，真正是一兼二顧，實在是有夠心適的啦！毋但大人滿意，囡仔閣較免講，來遮耍一擺就牢咧，定定嘛看囡仔走咧予大人逐。大人喝規晡，囡仔都欲若毋咧，叫攏

叫袂振動。若無，就是佇遐張、佇遐軀，佇遐吼毋轉去。這嘛莫怪，個定攏予人關佇厝裡，若恁出來耍，當然嘛像鳥仔放出籠，四界砢砢從。

會記得做囡仔的時陣，和厝邊隔壁的囡仔伴耍的，若毋是拍干樂、擲珠仔、搵尪仔標，就是灌杜猴、欲蝶仔、釣四跤仔，有的無的，耍法是加佻趣味咧，哪有像這馬的都市囡仔，會當耍的極加嘛是遮的遊樂設施爾，看著一點仔趣味都無。是講囡仔有通耍就好，一時風駛一時船，時代咧變、囡仔的耍法咧變，咱的想法嘛愛綴咧變，若無，是會予人笑咱是老古板呢！

毋管時代按怎變，囡仔全款攏是父母的糖霜丸，看市政府重整理榮星公園予囡仔耍、看大人閣願意陪囡仔出來耍，看甲我這個退休的阿伯仔嘛綴咧變少年，綴個咧「老人食麻油」——鬧熱啦！

02 拈拾

陳忠本

我讀國校仔的時陣，逐家生活散赤，儉腸凹肚，才會當予困兒讀冊，所以逐項物件攞愛叫儉、惜略。無錢買冊包仔，用加薦仔貯，抑是手巾仔包。上捷用著的文具——鉛筆佷拭仔，攞是用到盡磅矣才換新的。鉛筆短甲無法度通捻，猶毋甘擲掉，鬥一節竹管仔繼續使用；拭仔鏟甲睹鼻屎大；大筆毛落甲欲了猶咧寫。逐家攞是按呢，拈拾成做全民的習慣。大地主、好額人的困孫嘛全款。所以後來我去學校教冊，看上袂慣勢的毋是學生貧惰讀冊，抑是狡怪毋聽話，是個傷過討債，物件毋知通惜略。

寢去學校教冊，感覺奇怪的是講桌頂懸一直有幾若枝原子筆，而且愈來愈濟，鎮甲強欲無位通因粉筆。這攞是佇教室內底拈著的，哪會無人來提轉去咧？想著家己國校的時拍毋見一枝鉛筆，就哭規禮拜。這馬的學生竟然物件無去就準煞，無欲去揣，嘛無想欲共老師報告，感覺誠奇怪。有一工，我發現一枝筆有貼紙寫名，就刁工問這位學生：「你的筆敢有拍無去？」伊鉛筆盒仔開開，拈規撮出來，應講：「我嘛毋知！」想想咧嘛有影，遮濟筆，減一枝哪會知？

有一擺恁學生出外去考試，旅館提供早頓，逐个人攞

有一粒鹹鴨卵。結果，百外个學生千焦有五个共卵殼擘開，捉來配糜，其他的攞是規粒好好，恰食膳的物件濫濫做伙，欲予服務人員倒落潘桶。有夠拍損！阮趕緊恰教官去共窮起來，一个人分二三十粒提轉去。

校慶運動會，中晝福利社送全校學生、老師一盒便當。老師攞感覺豐沛好食，食甲清氣溜溜溜。學生咧？過晝了後，一位老師來講佇牆圍仔跤拈著十外盒便當，攞是食無幾喙，甚至規盒好好就擲掉。「討債！」我心內按呢想。

俗語講：「勤儉較有底，浪費不成家」、「加減拈，較免共人借」。運動會煞，我共便當擲掉的學生查出來，利用時間特別教示，閣放一寡非洲飢荒餓死人的影片予個看。因為我堅持：冊讀有讀無免煩惱，勤儉拈拾的習慣袂使無。